



Азиза хола айвон тўридаги ўринда чўзилиб ётганди. Тепасида кўшниси Лазокатхон пайдо бўлди. Ўзига оро бериб, ясаниб юрадиган бу лобар, кувнок аёлнинг йўсини бўлакчарок, феъли айниганрок эди. Аммо кўшнисининг лохас тортиб ётганини кўраркан, бирдан юзида ачиниш пайдо бўлди.

— Ия, ия, эгачи! Мен сизни чакиртиргандим. Мехмонларимни ширин сухбат билан хурсанд килиб ўтирарсиз, деб. Чикмадингиз. Нима бўлди сизга?

Азиза хола орик гавдасини аранг кўтарди. Лазокатхон билан кўришгач, боди кўзгалганидан кимирлаёлмай колганини айтиб, узр сўради. Лазокатхон эгачисининг билagini ушлаб кўрди. Томир уриши бежолигини сезди. Дарров ўз уйида кон босимини ўлчайдиган асбобини олиб чикди. Ўлчаб кўргач, кон босими ҳам кўтарилганини билдирди. Азизахоннинг нозиклигини, соглигидан бот-бот шикоят килиб туришини билгани учун ачиниш кетди:

— Ўзингизни ортикча уринтиргандирсиз-да. Энди эҳтиёт бўлинг. Худо шифо берсин. Сизга ким караётибди ўзи? — деб у ёк-бу ёкка аланглаб олди. Уй ичида ҳеч ким кўринмагач, сўради. — Кани болалар?

Азиза хола бироз ўйланиб тургандан сўнг:

— Кетишганди... — деб кўйди.

— Каёкка? — деди Лазокатхон сергак тортиб.

— Халиги... Янги жойга...

— Тушинтириброк гапиринг-чи. Канака янги жой?

Азиза хола кўшнисининг синчковлигини, кизиккан нарсасини аникламагунча кўймаслигини биларди. Шунинг учун борини айтишга мажбур бўлди. Гап ўгли билан келини устида кетаётганди. Келиннинг отаси тузуккина тадбиркорлардан экан. Ишлари юришиб кетгандан кейин сахийлиги тутибди. Кизига яқиндаги домдан бир квартира олиб берибди. Азиза холанинг кўхна, тор, пасткам ховлисида сикилиброк яшашаркан. Хонадоннинг отаси ўгли билан келини турадиган битта хонани икки хонага айлантириб бериш харакатида экан-ку, бу иш хадеганда бита колмаётган экан. Шу сабаб янги квартирага кўчишга чоғланган келиннинг раъйини кайтариб бўлмаган. Ўз-ўзидан ўгли Ўктам ҳам рафикаси кетидан эргашган.

Бу янгиликни эшитаркан, Лазокатхоннинг шахло кўзлари кинидан чикаёзиб, жиги-бийрони кайнаб кетди.

— Ана, холос! Нахотки, шуни кўра била туриб йўл кўйсанглар-а! Хўжайинингиз ҳам индамай кўйиб бердиларми?

— Хўжайин буларни кўчганини билмай колди. Командировкага кетганди.

— Командировкадан қачон қайтади?

— Узокрок муддатга кетганла...

— Шундок экан, ахир болаларингизга: «Даданг келсин бир гап бўлар. Мени ёлгиз ташлаб кетманглар», — деб айтмабсиз-да?

— Айтувдим. Тез-тез келиб турамиз, деб ваъда беришди. «Хозирча богчасига бормасдан, ёнингизда турсин», — деб боласини колдиришди.

Шу чоғ ошхонадан ушшоқкина бир кизча чойнак кўтариб чикиб, буларнинг олдиларига келтириб кўйди. «Хой, Жажжи, дастёрчилик сенга колдими, айноний!», — деб Лазокатхон кизчани багрига босиб, пешонасидан ўпиб кўйди.

— Бу Жажжининг ёнингизда хамрох бўлиб тургани яхши. Лекин козон-товокка, ўй-жойга караш, касалингизга малхам кўйиш бунинг кўлидан келмайди-ку! Фарзандлар шуни ўйлашмагани кизик. Ўзингиз хам айтишга андиша килгансиз-да, албатта. Феълингиз маълум. Ортикча тортинчок, хоксорсиз! Улар сизнинг бўшанглигингиздан фойдаланишган. Ха, эгачи, ўз оналик кадрингизни билмасангиз шунака бўлади. Келинингиз юзсизлик килган бўлса ўглингиз ўйлаши, онаизорига раҳм килиши керак эди! Лазокатхон эгачисининг томирлари тортишиб колган оёгини силаб-сийпаб кўйди. Албатта, доктор чакириб каратиш зарурлигини айтди. Ўктамни кандай топишни сўради. Азиза хола унга дераза токчасида турган дафтарчани кўрсатди. Лазокатхон дафтарчани варақдаб, Ўктам ишхонасига тегишли бир-иккита телефонни топди-да, когозга ёзиб олгач, чикиб кетди.

Орадан кўп вақт ўтмай кўшни кизи кириб келди. Кош-кўзлари онасиникига ўхшаш попуқдақкина, чаккон харакатли бу тийрак киз айвонга кўтарилиб караганда, холасининг кўзи илинган экан. Овоз чикармасдан ёнига борди. Пашша кўнмасин деб юзига доқа ёпди-да, секин пастга тушди. Бурчакда турган супургини кўлига олиб, хазон, чўп-хаслар ивирситган ховлини супуришга тушди. Шундан сўнг ховлига аста-аста шакароб килиб сув сепа бошлаганди, айвондан Азиза холанинг овози чикди.

— Вой, Доно кизим, нима килиб уриняпсан? Доно югура бориб, кўришди:

— Тузукмисиз, холажон? — деди. — Сизга ёрдам бергани чикувдим. Айтинг, овкатиңизни пишириб берай.

Азиза хола овкатга иштахаси йўклигини айтди. Донони овора килгиси келмади. Доно бўлса каттик туриб олди:

— Аяжоним тайинлади: «Холангга хўрди мастава килиб бергин, катиклаб ичсин», — деб. Шуни айтиб ошхонага кириб ишга уннай кетди. Жажжи киз унинг ёнида пилдираб юраркан, Доно: «Бизникидан катик опчикасан», — деб унинг кўлига шиша идиш туткизди.

Бир пайт Лазокатхоннинг ўзи чикди. Кизининг килаётган ишини кузатиб, маъкуллади. Эгачисидан эса кўнгли безовталигини яширмади:

— Ўглингизни ишхонасига икки-уч марга кўнгирик килдим. Тополмадим. Каёккаям кетган, дейишди. Уларга: «Ўктамни ойиси касал, тезда етиб келсин», деб тайинладим. Дараги бўлмадимми?

Лазокатхон тик этса эшикка караб, эгачиси ёнида ўтирди. Кизи пишириб келган маставадан кистаб-кистаб ичирди. Кош корайганда ўрнидан кўзгалди-да:

— Ўглингиз кай вақтда келсаям Жажжидан менга хабар беринг. Албатта, уни кўришим керак, — деб тайинлади. Донони эса касалнинг ёнида тунаш учун коддирди. Эртаси у поликлиникага кўнгирик килиб, доктор чакирди. Пешинга якин доктор

келганини билиб, эгачисиникига чикди. Доктор касални кўриб, даволар белгилаб, дорилар ёзиб, энди жўнаёганида, ҳеч нарса билмагандай силлиқкина бўлиб, Ўктам кириб келди. Эшикда «Тез ёрдам», уйда доктор билан Лазокатхонни учратиб, нақ капалаги учган йигит, изза бўлганидан ўзини аранг босган холда:

— Ия, ойижон, сизга нима бўлди? — деб онаси қошига кучок очиб келди. Онаси эса одатдагича вазминлик билан «сал тоби кочгани»ни билдирди.

Эгачисининг бегам, бепарво ўгилга қилган бундай беозор муомаласини хазм қилолмаган Лазокатхон:

— Қасални яширсанг иситмаси ошқор қилади. Тўгрисини айтавермайсизми, эгачи! — деб зарда қилди. Кейин Ўктамга юзланди: — Салгина тоби кочганмас. Олдиндан силқовланиб юрарди онанг. Энди росмана қасал бўпти. Бод. Хафакон. Ха, бу қасаллари олдиндан безовта қилиб юрганини билмасмидинг? Шу ярим жон онани ёлғиз ташлаб кетишга қандай виждонларинг қабул қилди-а?! Бориб турган оқибатсизлик эмасми — бу?!

Ўктам қутилмаган оғир дашномларни нақ ўтақаси ёрилғудай бўлиб эшитди. Бу тўгрисўз, шарттаки қўшнига хиёл бўлсин терс жавоб бериши мумкинмаслигини биларди. Шу билан баробар ўз айбига рўйи-рост иқрор бўлишга ҳам тили бормасди. Ўзини аранг босди. Икки қўлини кўксига қўйган холда зўраки табассум билан:

— Шунақа бўп қолди, опоқижон. Айбга қўшмайсиз. Яқин жойга қўчганмиз, тез-тез хабар олиб турадиган бўлиб. Ақсига шу қунларда у ёқда иш қўпайиб кетиб, ушланиб қолдим...

— Ха, демакки ўзингиздан ортмай қолибсиз-да. Биламан, турмушда ҳар хил фарзандлар учрайди. Бир хиллари ўз шахсий манфаатларини биринчи ўринга қўйишади, ўз ҳузур-халоватларига берилиб кетишади, ота-она олдидаги фарзандлик бурчларига раҳна солиб қўйишади. Нахотки, сен мўмин-мусулмон фарзанди бўлатуриб, ўшанақа бетайин, бетавфиқлар қаторига қирсанг?!

— Мендан хатолик ўтган бўлса кечиринг, опоқижон! — деб яна эгилиб-буқилди Ўктам.

— Менга қара, отанг қуриб берган бу уй торлик қилиб қолдими? Сизларнинг бу ердан қўчиб кетишларингга ота-онанг рози бўлишганими?

Ўктам мушқул саволга рўпара қелиб, доқдиради.

— Энди, опоқижон... Унча қаршилиқ қилишмовди... — деб қайналди.

— Шунақа дегин? — деди Лазокатхон гумонсираган холда. Кейин сиз нима дейсиз дегандай Азиза қолага тикилди.

— Ха, энди... Шунақа... Бўлар иш бўлди... Қаерда бўлишсаям омон бўлишсин, — деганча Азиза қола дудмол жавоб қилди.

Эгачисининг жавоби Лазокатхонни қониктиргани йўқ, албатта. Қониктирмадигина эмас, болаларини бунчалиқ ўз ихтиёрларига қўйиб бериши, болажонлик қиламан деб оғирликни ўз зиммасига олавериши, серандишалиги ўтиришмади Лазокатхонга. Уйдан хабар олиш учун чиқиб кетаётиб, Ўктамни бир чеккага имлади-да, деди:

— Саволимга тўгри жавоб бермадинг, бола. Даданг қомандировқадан қайтсин, гаплашайлик-чи, нима дерқинлар?..

Ўктам буни жиддий оғохлантиришдай қабул қилди-ю, юрагини гулгула босди...